



# কনিউর

NAFIS SADIK DIPTO-FRIDAY, JULY 14, 2017

এসে গেছি কোহিনূর (Conure) নিয়ে। দেরি হওয়ার জন্য দুঃখিত। কে কে চেয়েছিলেন সব মনে নাই, যাদেরকে মনে আছে কমেণ্টে ট্যাগ করছি, কেউ বাদ পড়লে সরি।

১। ইতিহাস : কনিউর এর বৈজ্ঞানিক নাম Conurus. এদের আদি বসবাস ল্যাটিন আমেরিকার বিভিন্ন অঞ্চল বিশেষ করে মেক্সিকো থেকে ক্যারিবিয়ান দ্বীপপুঞ্জ হয়ে দক্ষিণ চিলি পর্যন্ত। ওয়েস্ট ইন্ডিতে বসবাস রত একজন ফরাসি ধর্মযাজক "Jean Baptiste Labat" সর্বপ্রথম ১৭২৪ সালে কনিউরের বর্ণনা দেন। ১৮০০ শতাব্দীর শেষ দিকে আমেরিকা এবং ইউরোপে প্রচুর পরিমাণে ইম্পোর্ট শুরু হয় এবং আনুমানিক ১৯৩০ সালে সর্বপ্রথম খাঁচায় প্রজনন করানো সম্ভব হয়। অবশ্য সান কনিউর সহ বেশ কিছু জনপ্রিয় মিউটেশন প্রথম ব্রিডিং করানো হয় ১৯৬০ এর দশকে।

২। জাত বা মিউটেশন : কনিউর সর্বোট ১২ টি গোত্রে বিভক্ত, এদের মধ্যে সবচেয়ে বড় এবং প্রধান দুটি গোত্র হল আরাটিঙ্গা (Aratinga) এবং পাইরহুরা (Pyrrhura). আরাটিঙ্গা গোত্রের অন্তর্ভুক্ত আছে প্রায় ২৫ টি প্রজাতি এবং পাইরহুরা গোত্রে ২২ টি। দুই গোত্রেই আবার বেশ কিছু উপপ্রজাতিও আছে। সান কনিউর (Sun Conure), জানডে কনিউর (Janday Conure), পিচ ফ্রন্টেড কনিউর (Peach Fronted Conure), ব্লু ক্রাউন্ড কনিউর (Blue Crowned Conure), নানডে কনিউর (Nanday Conure), ডাস্কি কনিউর (Dusky Conure) ইত্যাদি আরাটিঙ্গা গোত্রের অন্তর্ভুক্ত। এরা চেচামেচির জন্য বিখ্যাত। অপরদিকে পাইরহুরা গোত্রের কনিউর গুলো একদম বিপরীত, খুবই শান্তশিষ্ট। গ্রীণ চিক কনিউর (Green Cheek Conure), ইয়েলো সাইডেড কনিউর (Yellow Sided Conure), ক্রীমসন বেলিড কনিউর (Crimson Bellied Conure), পেইন্টেড কনিউর (Painted Conure), মেরুন বেলিড কনিউর (Maroon Bellied Conure), ব্ল্যাক কেপড কনিউর (Black Caped Conure) ইত্যাদি পাইরহুরা গোত্রের অন্তর্গত।

৩। দৈহিক গঠন : দৈহিক গঠন টিয়া পাখির মতই। লেজটা প্রায় শরীরের সমান বড়। ঠোটটা একটু ছোট ও বাকানো, কিন্তু বেশ শক্ত। মোটামুটি সব প্রজাতিতেই চোখের চারপাশে আইরিস রিং দৃশ্যমান। আকারের দিক থেকে সবচেয়ে ছোট হল পেইন্টেড কনিউর, মাত্র ৮ থেকে ৯ ইঞ্চি লম্বা, ওজন ৮০ থেকে ১০০ গ্রাম। সবচেয়ে বড় হল পাতাগোনিয়ান কনিউর, লম্বায় ১৯ থেকে ২০ ইঞ্চি এবং ওজন ৩০০ গ্রামের মত। আর সান, গ্রীণ চিক,

মেরুন টেইল এগুলো মাঝারি আকারের। লম্বায় ১১ থেকে ১৩ ইঞ্চি এবং ওজন ১২৫ থেকে ১৫০ গ্রাম।

৪। আচার-আচরণ : কিছু প্রজাতির চেচামেচির সমস্যা আছে যেটা আগেই বলেছি। এর বাইরে এরা খুবই প্লেফুল এবং সামাজিক একটি পাখি। প্রকৃতিতে ২০ বা তারও বেশি সংখ্যক পাখি নিয়ে ঝাঁক বেঁধে চলাচল করে। পার্টনারের ব্যাপারে এরা খুবই লয়্যাল। অন্যান্য পাখির সাথে খুব সহজে মানিয়ে নেয়, রিংনেক বা এমন অনেক পাখির মত খুতখুতে স্বভাবের না। মানুষের সান্নিধ্য পেতে পছন্দ করে। খাঁচার টুকটাকি সব জিনিসই যেন তাদের কাছে এক একটা খেলনার বস্তু।

৫। খাবার-দাবার : সীডমিক্সের পাশাপাশি নিয়মিত বিভিন্ন ধরনের শাকসবজি ও ফলমূল সরবরাহ করা আবশ্যিক। সীডমিক্সে ধান, চীনা, কাউন, বাজরা, সূর্যমুখির বীজ, কুসুম ফুলের বীজ, কুমড়ার বীজ, হেম্প সীড, ক্যানারি, মিলেট, তিশি, গুজ্জিতিল ইত্যাদি দেয়া যায়। শাক-সবজি আর ফলমূল মোটামুটি সবই দেয়া যায় পাখির পছন্দ-অপছন্দের ভিত্তিতে। খাবারের বিস্তারিত ফাইল সেকশনে দেয়া আছে এজন্য আশা করি বিস্তারিত না বললেও চলবে।

৬। খাঁচা : ছোট ও মাঝারি জাতের কনিউর গুলোর ক্ষেত্রে ১ জোড়া পাখির জন্য খাঁচার সর্বনিম্ন মাপ ৩৬"২৪"২৪ ইঞ্চি হওয়া উচিত, বড় গুলার ক্ষেত্রে (যেমন পাতাগোনিয়ান, গোল্ডেন কনিউর ইত্যাদি) ৪৮"৩৬"৩৬ থেকে যতটুকু বড় রাখা যায় তত ভাল। খাঁচায় প্রচুর পরিমাণে খেলনা দিতে হবে এবং নিয়মিত পরিষ্কার করা আবশ্যিক। যেহেতু এরা মানুষের সান্নিধ্য পছন্দ করে সেহেতু খাঁচাটি জনসম্মুখেই স্থাপন করা যায়।

৭। ছেলে-মেয়ে শনাক্তকরণ : ছেলে মেয়ে শনাক্ত করার সবচেয়ে ভালো উপায় অবশ্যই DNA টেস্ট। তবে পেলভিক বোন টেস্টের মাধ্যমেও নির্ণয় করা সম্ভব। এছাড়া কয়েকটি প্রজাতির ক্ষেত্রে চোখের রিং দেখে বা পালক দেখে বোঝা যায়, কিন্তু তা বেশ ঝামেলা বহুল।

৮। ব্রিডিং : ছোট ও মাঝারি প্রজাতির কনিউর গুলো ২ বছরের মধ্যেই মোটামুটি প্রজননক্ষম হয়ে যায়, বড় জাতের গুলো সাড়ে তিন থেকে ৪ বছর সময় নেয়। ছোট ও মাঝারি জাতের কনিউরের ক্ষেত্রে ব্রিডিং বক্সের সাইজ ১২"১২"১২ ইঞ্চি হলে ভাল হয়। বক্সের মধ্যে ৩-৪ ইঞ্চি মোটা করে উড শেভিং দিতে হবে। কিছু শুকনা নিমপাতা দেয়া ভাল। মোটিং এর পর থেকেই মেয়ে পাখি টা বক্স বা হাড়িতে অনেক বেশি সময় কাটাতে

থাকে। ১৫ দিনের মধ্যেই ডিম পাড়া শুরু করে। সাধারণত ৩-৭ টি ডিম পাড়ে এবং ২৫ থেকে ৩০ দিন পর্যন্ত ছেলে ও মেয়ে উভয়ে তা দেয়। বাচ্চা গুলো অনেকটা মখমলের মত লোমশ বলে দেখতে খুবই সুন্দর আর কিউট লাগে। ৪৫ -৬০ দিনের মধ্যেই তারা নিজে খেতে পারে এবং বাবা-মা থেকে আলাদা হওয়ার জন্য প্রস্তুত হয়ে যায়। বড় জাতগুলোর ক্ষেত্রে একটু বেশি লাগে। বছরে দুইবারের বেশি ব্রিডিং করানো অনুচিত।

৯। আয়ুষ্কাল : ছোট জাতের কনিউর গুলো খাঁচায় পর্যাপ্ত যত্ন নিয়ে ১৫ থেকে ২০ বছর এবং বড় জাতের গুলো ৩৫ থেকে ৪০ বছর পর্যন্ত বাঁচানো সম্ভব।

১০। টেমবার্ড হিসেবে কনিউর : টেমবার্ড হিসেবে কনিউর এক কথায় অসাধারণ। বাইরের দেশগুলোতে টেমবার্ড হিসেবে সবচেয়ে বেশি ফেমাস হল কনিউর, বিশেষ করে গ্রিণ চিক কনিউর টা। প্রথম কমেণ্টে একটা পোস্টের লিঙ্ক দিচ্ছি ঐ ভিডিওটা দেখলে পরিষ্কার বুঝতে পারবেন এদের গুণাবলী সম্পর্কে। কথা বলার ক্ষমতা অতটা ভাল না হলেও ট্রেনিং এবং টেমিং এর দিক থেকে এরা সর্বোত্তম। স্বল্প বাজেটের মধ্যে এদের থেকে ভাল টেম পারপোজের পাখি দ্বিতীয়টি পাওয়া দুষ্কর। আমাদের দেশে এখন প্রচুর পরিমাণে ব্রিডিং হচ্ছে বিধায় বাচ্চাও যথেষ্ট পরিমাণে এ্যাভাইলেবল। সাথে বয়স্ক পাখির জন্য ইম্পোর্টার রা তো আছেনই। যাদের বাসায় বেশি শব্দ হলে সমস্যা তারা আরাটিঙ্গা গোত্রের গুলো এড়িয়ে চলবেন এবং প্রতিদিন অন্তত পক্ষে ২ টি ঘন্টা তাদেরকে দেয়ার চেষ্টা করবেন। অবশ্য এটি সব প্যারাকিট আইটেমের ক্ষেত্রেই প্রযোজ্য।

১১। দরদাম : আপনাদের সুবিধার কথা ভেবে জনপ্রিয় কয়েকটি জাতের বর্তমান বাজার দর তুলে ধরছি তবে মনে রাখবেন দাম সব সময়ই পরিবর্তনশীল এবং স্থান-কাল-পাত্র(ব্রিডার/দোকানদার)-পাখি ভেদে দামে ভিন্নতা থাকা নিতান্তই স্বাভাবিক। প্রথমে ব্রিডিং পেয়ারের দাম এবং পরে সিঙ্গেল টেম বেবির দাম দেয়া হল :-

#Maroon Tailed = ৮ -১০ হাজার, সিঙ্গেল বেবি ৩-৪ হাজার। #Green Cheek = ১০-১২ হাজার, ৪-৫ হাজার। #Yellow Sided = ১২-১৫ হাজার, ৪-৫ হাজার। #Red factor Yellow Sided = ১৬-২২ হাজার, ৭-১০ হাজার। #Cinnamon = ১২-১৪ হাজার, ৪-৫ হাজার। #Pineapple = ১৪-১৮ হাজার, ৫-৬ হাজার। #Red factor pineapple ১৮-২৫ হাজার, ৮-১০ হাজার। #Blue Conure = ১২-১৮ হাজার, ৫-৭ হাজার। #Janday Conure = ১৮-২২ হাজার, ৮-১০ হাজার। #Red Factor Janday = ২৫-৩৫ হাজার, ১০-১৫ হাজার। #Nanday Conure = ২০-৩০ হাজার, ৮-১২ হাজার। #Blue Crowned Conure = ২২-৩৫ হাজার, ১০-১৫ হাজার। #Rose Crowned = ১৫-২০ হাজার, ৫-৭ হাজার। #Crimson Bellied = ৭০-৮৫ হাজার, ২০-

২৫ হাজার। #Sun Conure = এটার কারেন্ট প্রাইজ বেশি। ৪৫ থেকে ৭০ হাজার, ১৫-২০ হাজার। #Red factor Sun Conure = ১ থেকে দেড় লাখ। #Patagonian Conure ৪০-৬০ হাজার, ২০-২৫ হাজার। (এটা এখনও ব্যাপক আকারে ব্রিডিং শুরু হয়নি বিডিতে। #Golden Conure = ৪ থেকে ৬ লাখ। দুই এক জোড়া থাকতে পারে আমাদের দেশে। কারেন্ট দাম সম্পর্কে আমার ধারণা কম ছিল। এক্ষেত্রে আমাকে অনেক সাহায্য করেছেন Tahmid Jahin ব্রো অসংখ্য ধন্যবাদ আপনাকে।

এর বাইরে কিছু জানার থাকলে কमेंট করুন। ভাল লাগলেও জানাবেন কোনো ভুল-ত্রুটি থাকলেও জানাবেন যেন শুধরে নিতে পারি। ছোট-খাটো ভুলের জন্য ক্ষমাপ্রার্থী। আর পোস্ট টা লিখতে বহু কষ্ট হইসে, প্রায় ১ মাসের ফসল। দয়া করে কেউ ক্রেডিট ছাড়া কপি-পেস্ট করে নিম্ন মানসিকতার পরিচয় দিবেন না। ধন্যবাদ।

Shanjid Islam Sharod ©

Adorable Birds Zone (ABZ) ©